

ՃԵՆԱՊՐԱՆԱԿԱՆՆԵՐ

ԱՐՓԻՆԵ ՉԱՆԹԻԿՅԱՆ

ՍԱՐԳԻՍ ԿՈՒԿՈՒՆՅԱՆ

Նայր պիպի ապրի՝ հակառակ դահիճներուն, եւ հակառակ
իր առիծի աչքին քակ բուսած կորեկին: Նայր պիպի ապրի
ժողովուրդներու սիրազօղ մէկ օղակն ըլլալու համար...

Դ. ՎԱՐՈՒԺԱՆ

Նայ ազապամարտի պարմության մեջ իր առանձնահատուկ քննարկումն ու նշանակությունն ունի 1880-1890-ական թվականների ազգային-ազապագրական պայքարը, որի ռաիվիրաներից էր Սարգիս Կուկունյանը: Նրա կազմակերպած արշավանքը ազապագրական առաջին փորձն էր, որը վիթխարի ազդեցություն ունեցավ, ոգևորեց արևելահայ եւ արեւմտահայ երիտասարդությանը՝ նրանց կրակելով հայոց նվիրական հոգը միացած եւ ամբողջացած քննարկում երազանքը: Կուկունյան մարտիկի պայքարը, աքսորը եւ քառապալից կյանքը կարծես յուրաքանչեւ քառազնություն դարձան ժամանակակիցների համար: Նա մի մասնիկն էր իր ծվարված եւ չարչարյալ ազգի, որի ազապագրումը հավաքամբ դարձրեց:

Սարգիս Մովսեսի Կուկունյանը (Ավերիսյան) ծնվել է 1866 թ. հունվարի 23-ին Նուխիի գավառի Նիժ գյուղում (այժմ՝ Ադրբեջանի Կուրակաշենի շրջանում): Նախնական կրթությունն ստացել է հայրենի գյուղում: Ապա Նուխիի գավառի դպրոցների թեմական քննադատ Վահան վարդապետ Տեր-Գրիգորյանի օգնությամբ քառապալի Սարգիսը 1877 թ. ընդունվում է Էջմիածնի Գեորգյան հոգևոր ճեմարան¹: Ընդունակ, ուսումնասիրեց եւ շրջահայաց Սարգիսը հոգևոր ճեմարանի առաջադեմ աշակերպներից էր: Սակայն նա այդպես էլ չի ավարտում ճեմարանը²: 1883 թ. աշակերպական խառնությունների պարճառով Գեորգյան ճեմարանից հեռացվում է շուրջ 80 աշակերպ, որոնց թվում էր վեցերորդ դասարանից Սարգիսը (դեռ Ավերիսյան ազգանունն էր կրում): Նա Էջմիածնից գնում է Երևան եւ փորձում ընդունվել Ուսուցչական սեմինարիա, սակայն չի հաջողում: Ապա քննադատվում է Թիֆլիս, մտնում գինվորական դպրոց. կարճ ժամանակ անց

1 Տե՛ս Գաբրիել Լազան, Յեղափոխական դեմքեր. Մարտականներ եւ հայրուկներ, Նալեպ, 1990, էջ 285:

2 Տե՛ս «Յուշապարտում Ն. Յ. Դաշնակցութեան», 1890-1950, Բոսպոն, 1950, էջ 272:

թողնելով այն՝ փորձում է ընդունվել Ներսիսյան դպրանոց: Սակայն Գեորգյան հոգեւոր ճեմարանի տեսչությունը հեռացվածների մասին արդեն տեղեկացրել էր Ներսիսյան դպրոցի ղեկավարությանը: Սարգիսը որոշում է դիմել խորամանկության. խնդրագիր ներկայացնելով Կուկունյան ազգանունով՝ ընդունվում է Ներսիսյան դպրանոց և ուսանում Բաբվի «Մարդասիրական ընկերության» նշանակած ամսական 10 ռուբլի նպաստով: 1884 թ. ավարտում է Ներսիսյան դպրոցը³:

1884 թ. Սարգիս Կուկունյանը մեկնում է Բաքու և մասնավոր դասեր տալիս: Այստեղ որոշում է գնալ Պեդերբուրգ և ընդունվել մանկավարժական ինստիտուտ: Մրադրություն իրագործելու համար նա դարձյալ խնդրանքով դիմում է Բաբվի «Մարդասիրական ընկերությանը»: Վերջինս նկատում է, որ Սարգիս Կուկունյանն օժտված է մանկավարժին հատուկ կարողություններով և հմտություններով, ընդառաջում է, մանկավարժական կրթություն ստանալու համար ուղարկում Պեդերբուրգ՝ նախապես հոգալով ուսման ծախսերը: Երկրաստորդ Կուկունյանը մեկնում է Պեդերբուրգ, սակայն հուսախաբ է անում իր մեկենասներին. ընդունվում է համալսարանի իրավաբանական ֆակուլտետ, իսկ երկու ամիս անց տեղափոխվում է արևելյան լեզուների բաժին՝ որպես ազատ ունկնդիր⁴: «Մարդասիրական ընկերությունը», տեղեկանալով այս մասին, Սարգիս Կուկունյանին գրկում է կրթաթոշակից: Սակայն վերջինս չի հուսահատվում և սկսում է սեփական աշխատանքով իր կարիքները հոգալ:

Պեդերբուրգում Ս. Կուկունյանը շփվում է ազատարեն լեռնաբանների հետ, ծանոթանում նրանց հեղափոխական գաղափարներին: 1880-ական թվականներին հայ ուսանողությունը կենտրոնացել էր Մոսկվա և Պեդերբուրգ քաղաքներում: Պեդերբուրգի հայ ուսանողները որդեգրել էին շեշտված ազգային-քաղաքական ուղղություն⁵. նրանք Երկիր (Արևմտյան Ղայաստան) մրնելու և հայերին թուրքական կեղերի լծից ազատագրելու ծրագրեր էին մշակում:

Ս. Կուկունյանին հաջողվում է կարճ ժամանակահատվածում իր շուրջը համախմբել նվիրյալ լեռնաբանների, սերտ կապեր հաստատել նշանավոր հայրենասեր, ժամանակի պետական-հասարակական ազդեցիկ գործիչ Կարապետ Եզյանի հետ: Վերջինս Կուկունյանի օգնությամբ կազմում է «Պեդրոս Մեծի յարաբերությունները Ղայոց հետ» վավերագրական ժողովածուն⁶:

Կարինի 1890 թ. եղերական դեպքերը ուրբի հանեցին ողջ հայությանը: Այս արյունալի իրադարձություններին հաջորդեց Գում Գափուի նշանավոր ցույցը՝ Կ. Պոլսում նույն թվականի հուլիսի 15-ին: Անհրաժեշտ էր համախմբվել, միավորվել և օգնել սահմանից այն կողմ գրնվող, սեփական հայրենիքում թուրք գազանից հոշտվող եղբայրներին:

3 Տե՛ս «Յեղափոխական ալպոմ». Ազատագրական պայքարի յուշամատեն, Դ. շարք, թ. 1 (37), Պեյրոթ, 1962, էջ 35:

4 Տե՛ս **Կարինե Եղիազարյան**, Սարգիս Կուկունյանը և նրա գլխավորած արշավանքը. «Պարմաբանասիրական հանդես», 2000, թ. 1, էջ 70:

5 Տե՛ս «Ղայրենիք», Պոսթոն, 1923, թ. 5, էջ 27:

6 Տե՛ս **Գարրիէլ Լազեան**, Յեղափոխական դեմքեր, էջ 286:

Սարգիս Կուկունյանը ձեռնամուխ է լինում ազգային-ազատագրական պայքարի կազմակերպմանը՝ նյութական միջոցներ է հայթայթում, զինք գնում, կամավորներ հավաքագրում. հայրենասիրական գործունեությամբ կարճ ժամանակահատվածում դառնում է ազատագրական պայքարի ակնառու գործիչներից⁷: Արշավախմբի գործունեության նպատակի մասին Սյրեվան Սյրեվանյանն⁸ իր հուշերում գրում է. «Մենք պետք էր նրաչինք Նայասպան, խմբեր կազմէինք, ժողովուրդին զինէինք և երբ պատրաստ քլլայինք ապստամբուէինք Սասուն, Մուշ և Վասպուրական: Մեր պահանջը պետք է լինէր Բերլինի 61-րդ յօդուածի գործադրութիւնը»⁹:

1890 թ. օգոստոսին Թիֆլիսում հրավիրված «Սահմանադիր ժողով»-ին մասնակցում էին քաղաքի խմբակներն ու կազմակերպությունների ներկայացուցիչներ, մրավորականներ, հասարակական-քաղաքական գործիչներ. որոշվում է հայ ժողովրդի ազատագրության համար պայքարող ուժերը միավորել և սրելով «Նայ Յեղափոխական Դաշնակցություն»¹⁰:

ՆՅԴ-ն սրելովն է այն ժամանակ, երբ արդեն իրենց գործունեությունն էին ծավալել հայրենասիրական խմբակներն ու առաջադեմ երիտասարդությունը: Թեպետ ժամանակաշրջանի և արմատական նշանակություն ունեցող իրադարձությունների թվանդանում ՆՅԴ-ն փոխում է իր գործունեության մարտավարությունը, սակայն մարտական-հայդուկային և զինադար խմբերի սրելն ու դերը ազգային-ազատագրական պայքարում անփոխարինելի էր. Երկիր մեկնող մարտական և զինադար խմբերին հիմնականում զինվորագրվում էին ամենամոլորակներն ու խիզախները:

Սարգիս Կուկունյանի խումբը կազմավորվում է Գում Գափուի ցույցից հետո՝ Ն. Յ. Դաշնակցությունից առաջ և նրանից անկախ:

Նորակազմ կուսակցության ղեկավարությունն սկսում է միջամտել խմբի նախապարտապական աշխատանքներին. դաշնակցականները ձգտում էին խումբը համալրել և գործունեության իրադեական ծրագիր մշակել: 1890 թ. սեպտեմբերին աշխատանքի անցած առաջին Վարչության կամ «Կենտրոնի» աջակցությամբ լրացվում է խմբի կազմը, ռազմամթերք ու պարեն է ձեռքբերվում: Սակայն որոշ ժամանակ անց քաղաքացիություններ են սկսվում Սարգիս Կուկունյանի և ՆՅԴ Կարսի մասնաճյուղի միջև. նրանք հետագա գործունեության քաղաքականությունն էին որդեգրել¹¹: Բանակցությունները որևէ արդյունք չեն փախչում. Կուկունյանը հրաժարվում է ենթարկվել «Կենտրոնի» հրահանգներին՝ չընդունելով նրա գերակայությունը: Կոստանդինոպոլիսում, Սիմոն Զավարչյանը փորձում են հարթել քաղաքացիությունները, սակայն ապարդյուն: Ս. Կուկունյանին չի կարողանում մրափոխել նաև Իշխանը (Ն. Արդության). վերջինս

7 Տե՛ս «Յեղափոխական ալպոմ», էջ 37:

8 Սյրեվան Սյրեվանյանը (Ծերունի) արշավախմբի գլխավոր ղեկավարներից էր և Կուկունյանին ճանաչում էր դեռևս Գեորգյան ճեմարանում ուսանելու փաթիկներից. տե՛ս «Դիան Ն. Յ. Դաշնակցութեան», հր. Ա., Պոսթրին, 1934, էջ 11:

9 Ամո, էջ 40:

10 Տե՛ս Գ. Խոդինյան, Սարգիս Կուկունյան. «Լրաբեր», 1989, թ. 11, էջ 29:

11 Տե՛ս «Դիան Ն. Յ. Դաշնակցութեան», էջ 13:

փորձում է հիմնավորել, որ շրպապողականությունը կարող է ողբերգական հետևանքներ ունենալ, արևմտահայությունը դեռևս պարզապես չէ ապստամբության, նախ պետք է ունեցած ռազմամթերքը անցկացնել Արևմտյան Հայաստան, աստիճանաբար գինել և նախապարարասարել ժողովրդին: Բոլոր հորդորներն անարձագանք են մնում: Այս մասին Ռոսսոմը (Սյունիան Ջորջան) նկատում է. «Մա մի քարերային հոսանք էր, ազնիւ, վեհ, ոգևորիչ հոսանք, որի առաջն անկարելի էր առնել ոչ մի յորդորանքով, ոչ մի խելացի պարծառաբանություններով, ոչ մի սարսափելի ապագայի նկարագրություններով»¹²:

Անցնելով Կարս՝ Սարգիս Կուկունյանը ազապամարտիկներին բաժանում է փոքր խմբերի և փեղավորում հայկական գյուղերում:

1890 թ. սեպտեմբերին Կուկունյանի խումբը պարզապես էր արշավանքի. Դաշնակցության Կարսի կենտրոնը դարձյալ առաջարկում է հեղաձգել այն՝ նկատելով ցարական իշխանության առանձնահատուկ հերաքրքրությունն ու ձեռնարկումները: Իր արշավախմբով սահմանագլխին գլուխը Սարգիս Կուկունյանը հայտնվում է բարդ իրավիճակում. «Կենտրոնը» հրահանգում է Երկիր չանցնել, իսկ ազապամարտիկները պահանջում էին վճռական քայլերի դիմել և արագացնել արշավանքը¹³: Մերժելով ՀՅԴ առաջարկներն ու հիմնավորումները՝ խմբապետը որոշում է անցնել սահմանը: 1890 թ. սեպտեմբերի 22-ին մոտ 110 հոգուց (20 ձիավոր) բաղկացած խումբը¹⁴ հավաքվում է Շահպուհան գյուղում, որպեսզի այնտեղից լեռներով անցնի թուրքական սահմանը: Երբ հասնում են սահմանագլխին, Ս. Կուկունյանը դիմում է իր մարտընկերներին. «Մենք շուրջով կը մտնենք Թուրքաց Հայաստան, լաւ մտածեցէք, այնտեղ էն վերադարձ չկայ: Մենք կ'երթանք մեռնելու, որպէսզի ճանապարհ հարթենք գալիք կոտող շարքերուն համար: Թո՛ղ ոչ ոք ձեզմէ յոյս ունենայ, թէ կարող է ողջ մնալ: Ով որ արկ է կը վհարի, թող այժմէն վերադառնայ...»¹⁵: Խմբի՝ սահմանն անցնելու մասին արդեն փեղյակ էին թուրքական կայագրի հրամանատարությունը և ռուս սահմանապահները: Հայ ազապամարտիկները գինված ընդհարումներ են ունենում քրդական ջոկարների և թուրք հեծյալների հետ: Ապա Խառ գյուղում, որտեղ հայ մարտիկները կանգ էին առել հանգստանալու, կոզակները շրջապատում են նրանց¹⁶: Ռուս զինվորներին հաջողվում է խումբը մի ողջ օր պահել շրջապատման մեջ, հայ մարտիկների դրությունը դառնում է օրհասական: Կոզակները խուզարկություններ և ձերբակալություններ են սկսում: Սյունիան Սյունիանյանի վկայությամբ՝ «Հարևան քիւրք գիւղացիները պակաս չէին մնար, որսորդական խումբի հետ բաժնուած՝ այս ու այն կողմ կ'առաջնորդէին զինուորները և շներու պէս կ'որսային մեր ընկերները»¹⁷:

12 «Յեղափոխական ալպում», էջ 53:

13 Տե՛ս Գ. Ս. Խուդինյան, Սարգիս Կուկունյան, էջ 31:

14 Սարգիս Կուկունյանի արշավախմբի թվական կազմության վերաբերյալ տվյալները տարբեր են, հուշագրողները տարբեր թվեր են վկայակոչում: Իսկ ըստ դադրական ամբաստագրի՝ խումբն ունեցել 100 մարդ, այդ թվում 20 ձիավոր:

15 «Յեղափոխական ալպում», էջ 39:

16 Տե՛ս անդ, էջ 43:

17 Անդ, էջ 44:

Ս. Կուկունյանը մարտիկներին առաջարկում է առանց դիմադրություն ցույց տալու՝ իբրև ռուսահայրակներ հանձնվել. խմբապետը համոզված էր, որ սրբեղծված իրավիճակում դա է միակ ելքը, ցարական իշխանությունն իրենց խիստ չի պարծի, չէ՞ որ իրենք պայքարում են ոչ թե Ռուսաստանի, այլ Թուրքիայի դեմ: Չանսարով Սարգիս Կուկունյանի հորդորներին՝ ոմանք, այնուամենայնիվ, դիմադրություն են ցույց տալիս և զոհվում, ոմանք՝ դիմում փախուստի, իսկ մյուսներին (այդ թվում և Ս. Կուկունյանին) ձերբակալելով՝ նեկում են Կաղզվանի բանրար: Այս մասին Սյր. Սյրեփանյանը դառնությամբ և սրտի մորմոքով պետք է հիշեր. «Ապա հրեշային փանջանքների ենթարկելով՝ մեզ տարին Կաղզուան: Նսկող սահմանապահ զինուորները նստած էին լաւ ձիերի վրայ և անխնայ բշտում էին: Նեց որ մեկն ու մեկը մեզանից թայլերը դանդաղեցնում էր, հայեռում ու մտրակներով ծեծում էին: Աննկարագրելի չարճարանքներով հասանք Կաղզուան, ուր մեզ պահեցին 25 օր...»¹⁸:

Այսպիսով, Սարգիս Կուկունյանի գլխավորած արշավանքը ձախողվում է. հայ ազապամարտիկները չեն կարողանում իրագործել իրենց հայրենասիրական նպատակներն ու ձգպումները: «Կուկունեան ձեռնարկը, սակայն չարդարացրեց իր վրայ դրուած հոյսերը: Թէ՛ հրամանապարտութիւնը, թէ՛ խմբի անդամները անվտոճ ու անվարճ երկրասարդներ էին և ոգևորութիւնից ու զոհաբերութեան պարաստականութիւնից զաւր ոչինչ չունէին»¹⁹: Յարական կառավարությունը դաժանորեն պարծեց դեպի Երկիր ուղղված առաջին արշավանքի մասնակիցներին:

1890 թ. սեպտեմբերի 25-27-ը արդեն ձերբակալվել էր Ս. Կուկունյանի խմբի 43 անդամ: Սակայն դապաւարությունն սկսվում է երեք տարի անց՝ 1893 թ. ապրիլի 7-ին Կարսում²⁰, ուր տեղափոխվել էր Երեւանի նահանգային դապական ապրանն իր ողջ կազմով: Խմբի գործունեությունը բնութագրվում է իբրև քրեական, ազգային վրեժխնդրությունից դրդված գիոված դիմադրություն իշխանությունների դեմ: Նայ ազապամարտիկների արդարացի պահանջները անտեսվում են, բոլոր փաստերը խեղաթյուրվում²¹: Ամբաստանյալները պահանջում են, որպեսզի դապաւարության ընթացքում ներկայացվեն իրենց գործողությունների իրական, քաղաքական նպատակը և հայրենասիրական ձգպումները: Սակայն ցարական դապարանը գործը քննում է բացարձակ այլ տեսանկյունից. խմբի անդամներին ծանր մեղադրանքներ են ներկայացնում և փորձում են «հիմնավորել», թե նրանց գործողությունները ուղղված են եղել նաև ցարական Ռուսաստանի դեմ²²: Դապաւարությունը տեսում է գրեթե մեկ ամիս և ավարտվում է դապարանի 1893 թ. մայիսի 7-ին կայացրած վճռով. արշավախմբի անդամները մեղադրվում են որպես չարագործներ, մարդասպաններ և պետական իշխանության թշնամիներ²³: Դապարա-

18 Ծերունի, Կուկունեան խմբի արշաւանքը, «Դիւան Ն. Յ. Դաշնակցութեան», հտ. Ա., էջ 24:

19 «Յուշապատում Ն. Յ. Դաշնակցութեան», էջ 276:

20 Տե՛ս «Դիւան Ն. Յ. Դաշնակցութեան», էջ 25:

21 Տե՛ս «Մեսրոպ Վարդանեանի յուշերը Կուկունեանի արշաւանքի մասին». «Դրօշակ», Փարիզ, 1930, թ. 6-7, էջ 116:

22 Տե՛ս Գաբրիէլ Լազնան, Յեղափոխական դէմքեր, էջ 289:

23 Տե՛ս «Դիւան Ն. Յ. Դաշնակցութեան», էջ 26:

նի որոշումը դաժան և անարդար էր, այն ազգային-ազատագրական պայքարն արմատապախիլ անելու նպատակ ուներ: Խմբապետ Սարգիս Կուկունյանին դատապարտում են 20 տարվա ազատազրկման, որից 7 տարին շրջայակապ, ապա՝ մշտական աքսոր: Ծանր էին նաև արշավախմբի մյուս անդամների պարիթիզները: Չնայած մարտիկները ամեն կերպ փորձում են բողոքարկել կայացված վճիռը, սակայն Երևանի նահանգային դատարանի որոշումը թողնվում է անփոփոխ:

1895 թ. որոշ դատապարտյալներ՝ իբրև փկարակազմ, աքսորվում են Սիբիր, իսկ մնացյալները Ս. Կուկունյանի հետ միասին՝ Սախալին կղզի²⁴:

Սախալինյան աքսորի դաժան փորձերի մասին Ս. Կուկունյանը պատմում է իր «Վերջին օրերս Սախալինում» փոքրածավալ գրքույկում, որը լույս է տեսնում 1910 թ. Բաքվում: Աքսորի պայմաններում անգամ Ս. Կուկունյանը փորձում է օգտագործել իր գիտելիքները՝ Սախալինի ճապոնացիներին և աքսորյալների երեխաներին թուսերեն սովորեցնելով: Որոշ ժամանակ անց կղզու գեներալ-նահանգապետ Լյապունովը նրան նշանակում է կառավարական փոխարանի կառավարիչ: Սարգիս Կուկունյանը փոխարանական գործին ծանոթ էր դեռ Պետերբուրգում ուսանելու տարիներին և բարեխիղճ աշխատանքով շատ կարճ ժամանակահատվածում կարողանում է լուծել իր առջև դրված բոլոր խնդիրները: Այսպես նաև ճապոներեն է սովորում:

1904 թ. բռնկվում է ռուս-ճապոնական պատերազմը, և Ս. Կուկունյանը, որպես կամավոր, գորագրվում է ռուսական բանակին²⁵: Երբ ճապոնացիները գրավում են Սախալինը, հայ մարտիկը հետաքրքրի դիպվածով փրկվում է դատապարտանքից, պատահաբար նրան ճանաչում է մի ճապոնացի սպա, որին Կուկունյանը թուսերեն էր սովորեցրել: Սպան հայտնում է, որ Կուկունյանը աքսորյալ է և այդպես է գտնվում, քանի որ համարձակվել է պայքարել իր ազգի ազատության համար:

Ս. Կուկունյանը Սախալինում մնում է մինչև 1906 թ. հունիսը. Ռուսական կառավարությունը ներում է շնորհում 1904-1905 թթ. ռուս-ճապոնական պատերազմին մասնակցած աքսորյալներին: 1906 թ. հոկտեմբերի 30-ին Կուկունյանը վերադառնում է հայրենի Նիժ գյուղ²⁶: Սակայն այսպես նրան հանգիստ չեն տալիս չարճարանից ու սովից փկարացած գյուղացիների աղերսանքները: Սարգիսը պայքար է սկսում ներքին հարստահարիչների դեմ՝ փորձելով հայ շինականին փրկել դարձնել իր արդար վաստակին: Նրա արդարացի պահանջները, գործունեությունը չէին կարող աննկատ մնալ: Մեծահարուստներն ու հողատերերը ձգտում էին խեղդամահ անել գյուղացիական բողոքի և ընդդիմության ցանկացած դրսևորում, ամեն գնով ազատվել Ս. Կուկունյանից:

1910 թ. հոկտեմբերի 15-ին Նիժում փեղակալական փառույթների ցուցմունքով ձերբակալվում է 8 հոգի, որոնց մոտ նաև գեներ է հայտնաբերվում²⁷: Առանց որևէ փաստարկի և լուրջ հիմնավորման, ցարական իշխանությունը ձերբակալվածներին որակում է «հեղա-

24 Տե՛ս անդ, էջ 27:

25 Տե՛ս Ս. Կուկունյան, Վերջին օրերս Սախալինում, Բաքու, 1910, էջ 91:

26 Տե՛ս Գարրիլ Լազնան, Յեղափոխական դեմքեր, էջ 289:

27 Տե՛ս Կարինե Նոյազարյան, Սարգիս Կուկունյանը և նրա գլխավորած արշավանքը, էջ 83:

փոխականներ»՝ նրանց գործունեությունը կապելով Կուկունյանի հետ: Սարգիս Կուկունյանը ձերբակալվում է Բաքվում 1910 թ. հոկտեմբերի 18-ին: Դատավարությունը պնդել է ունենում Գանձակում, եւ ցարական դատարանը նրան դատապարտում է 15 տարվա տաժանակիր աշխատանքի:

1912 թ. փետրվարի 4-ին ՆՅԴ-ն կազմակերպում է Սարգիս Կուկունյանի փախուստը Գանձակի բանտից²⁸: Սակայն փախուստից ընդամենը 17 օր անց Նոր Բայազետ գավառի Նորադուզ գյուղում ոստիկանությունը ձերբակալում է Կուկունյանին եւ նրա երեք ուղեկիցներին: Գանձակից նրան տեղափոխում են Օրյոլ քաղաքի բանտը: Աքսորի ծանր եւ դաժան տարիները քայքայել էին Սարգիս Կուկունյանի առողջությունը. եւս մեկ տարի է դիմաճում Օրյոլի բանտային պայմաններին եւ 1913 թ. նոյեմբերի 26-ին թոքախորից կնքում է իր մահկանացուն: Նկարագրում Գ. Խաժակը (Արծիունեան) Կուկունյան մարտիկի մասին մեծ ցավով գրում է. «Ծանր էր խաչը, դու պիտի մեզի ճամբայ բանայիր Անյայտին մեջ, առաջին արահետը: Կեանքը անողորմ եղաւ դէպի քեզ, ինչպէս քո սիրած Ազգիդ: Դու եղար անոր մանրանկարը, ո՛վ Մեծ Տառապեալ»²⁹:

Չնայած Սարգիս Կուկունյանի պայքարը ողբերգական ավարտ ունեցավ, սակայն ժողովուրդը արժեւորեց այս շարժումը որպէս հաղթանակ, ապրեց ու ոգեւորվեց դրանով: Այս արշավանքը հայ ազատամարտի էջերում գրանցվեց լուսն տառերով եւ անջնջելի հետք թողեց՝ հաջորդ սերունդների համար դառնալով ներշնչումի աղբյուր: Ռուբենը (Տեր-Մինասյան) իրավամբ նկատում է. «...այդ խումբի արժէքը պէտք է որոնել իր մեջը, այլ պէտք է որոնել այն ազդեցութեան մեջ, զոր թողած է ժողովրդի հոգեբանութեան վրայ»³⁰:

28 Տե՛ս «Յուշապարտում Ն. Յ. Դաշնակցութեան», էջ 278-279:

29 **Գարրիէլ Լազեան**, Յեղափոխական դէմքեր, էջ 291:

30 **Ռուբեն**, Հայ յեղափոխականի մը յիշատակները, հր. Է., Թեհրան, 1982, էջ 114-115: